

Powšitkowne WOZJEWJENJA

njedźelu, 30. apryla 2017

Diakonska swjećizna

Biskop Heinrich Timmerevers wudźěli sobotu, 6. meje, w 10 hodź. na Božej mši w Drježdžanskej katedrali dwěmaj mužomaj diakonsku swjećiznu. Jedyn z njeju je dr. Jens Buliš z Chrósćic. Wšitcy wěriwi su wutrobnje přeprošeni.

Duchowny oratorij „Serbske jutry

Jutrownu powěsć do swěta njesć je nadawk kóždého křescana. Z duchownym oratorijom „Serbske jutry“ chcemy znowa radostne poselstwo wozjewjeć. W lěće 2013 spisanej twórbje su teksty zbóžneho Alojsa Andrickeho a bamža Benedikta XVI. zapřijate. Zdobom dźakujemy so z oratorijom Bohu, zo je přez swojeho syna Jězu Chrysta wumóžerski skutk dokonjał a nam wěčne žiwjenje darił.

Pod wumělskim nawodom Friedemanna Böhmy hraje orchester Serbskeho ludoweho ansambla (SLA) z dalšimi hudźbnikami, spěwaja chóry Budyšin, Meja, Lilija, Delany a cyrkwinske chóry z Chrósćic, Njebjelčic a Wotrowa kaž tež chór SLA. Solisća su Daniela Hazec, Tanja Donatec, Mikołaj Jan Walerych a Marek Rjelka. Jakub Hantuš jako řečnik w duchownym oratoriju tohorunja sobuskutkuje. Dwurěčny tekstowy zešiwk je spřihotowany.

Wutrobnje přeprošuju wšitkich na předstajeni oratorija „Serbske jutry“ – sobotu, 6. meje, w 15.30 hodź. do Drježdžanskeje katedrale a njedźelu, 7. meje, we 18 hodź. do Budyskeje tachantskeje cyrkwe. Zastup je darmotny, za wudawki prosy pak so wo pjenježny dar do korbika při durjach.

Mejski nyšpor TCM w Róžeńće

Na našim serbskim hnadownym městnje w Róžeńće sławmy a prošmy mać Božu wo zastupnu próstwu pola jeje syna Jězu Chrysta za naš lud a kraj: zo bychmy dale žiwje wěрили do zrowastanjeného Chrystusa. Do paćerja chcemy tež wšu swětowu cyrkej zapřijeć, spominać na zjewjenja w Fatimje před 100 lětami a so wo měr na zemi modlić. W tutym zmysle přeprošuju w mjenje Towarstwa Cyrila a Metoda z.t. (TCM) wěriwych ze wšitkich wosadow njedźelu, 14. meje, w 17.00 hodź. na wosebity mejski nyšpor do hnadowneje cyrkwe w Róžeńće. Chór Budyskeho Serbskeho gymnazija pod nawodom Friedemanna Böhmy jón hudźbnje wobrubu.

Jurij Špitank, předsyda TCM

Wohnjowi wobornicy do Róžanta

Džakna Boža mša wohnjowych wobornikow ze Zarjadniskeho zwjazka Při Klóšterskej wodže budže pjatk, 5. meje, w 19 hodź. w hnadownej cyrkwi w Róžeńće. Wšitcy wobornicy kaž tež hosćo su k tomu přeprošeni.

Nyšpor z požohnowanjom motorskich

Popołdno z požohnowanjom motorskich zahaji so njedźelu, 7. meje, w 14 hodź. z nyšporom w Ralbičanskej cyrkwi. Přizamknje so zhromadny wulět.

Putnikowanje staršich a chorych ludži do Różanta

Putnikowanje staršich a chorych ludži ze serbskich wosadow do Różanta budže sobotu, 6. meje. Wot 13 hodź. budže přiležnosć k swjatej spowědži. Modlenje swjateho różowca započnje so w 13.30 hodź. Różowcej přizamknje so w 14 hodź. Boža mša, kotruž změje farar Michał Anders. Na njej wudžěli so tym, kotřiž sej to přeja, žalbowanje chorych. Po kemšach poskići so swaćina.

Zhromadny dzeń za 4. a 5. lětnik

Dekanatne dušepastyrstwo přeprašuje šulerki a šulerjow 4. a 5. lětnika sobotu, 20. meje, wot 9 do 15 hodź. do Don Boskoweho domu we Worklecach. Zajimcy njech so prošu hač do wutory, 16. meje, pod telefonowym čislom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdžělnika přinošk, kotryž wučinja štyri eura.

W lětnich prózdninach do Sakskeje Šwicy

Dekanatne dušepastyrstwo přeprašuje šulerki a šulerjow wot 6. do 8. lětnika wot 17. do 20. julija na zhromadne dny w Rosenthalu-Bielatalu. Nadrobniše informacije nańdžeće na wupowěsnjenych plakatach w serbskich wosadach kaž tež pod www.posol.de.